

quatter autos d'ambulanza e gist dus helicopters, ò detg igl manader dalla gruppada da salvamaint digls sanitaras.

En bratsch da 16.5 meters

An acziun è alloura er sto en camiun cun ena crana. Chel totga alla garascha Jäger da Savognin e totga tigl equipamaint digl sarvetsch stradal digl «TCS», tg'è er ena lavour tgi Adriano e Robert Jäger fon an incumbensa da chella organisaziun naziunala. Siva digl exercezi ò Adriano Jäger, el tgi totga er alla gruppada digl ageid stradal digls pumpiers da Surses, dulzo cuagl cran digl camiun igl auto tg'ins veva plazzo pigl exercezi sot la veia, puspe agl li per carger chel e manar anavos a Savognin. Igl camiun inclus la crana ò en peis da 22 tonnas. El ò 530 «PS» e vo cun diesel. Igl bratsch dalla crana chel ò ena lunghezza da 16.5 meters. La capaciad da dulzar è tar la crana 33 meterstonna, damai passa 33 tonnas.

Exercezi èn cò per sa migliurar

Philippe Poltera, el ò surpiglia l'organisaziun dalla prova ed er tschamia igl li adatto per inscener igl accident stradal. Roger Janett el è sto igl manader dall'acziun e Ramon Collet ò gia la survegliaziun generala. Alla front digls dus accidents èn stos Gian Luca Guetg e Francesco Tavaschi. Las acziuns da salvamaint èn neidas controlladas da Marco Bass, igl substitut digl manader dalla gruppada da salvamaint Grischnun central. An general on igls schefs dallas gruppas fatg ena bilantscha positiva digl exercezi. Ludada tigl rapport

final è cunzont neida la comunicaziun tranter igls involvos: igls pumpiers, igls sanitaras ed igls schefs segl plaz. La comunicaziun chella seia stada exemplarica. Marco Bass ò detg, tgi igl salvamaint sez digls seis blessos, vegia cuzzo en po mengia dei. El vess er agea oter ed er gist numno scu tgi fiss sto da far per

«G'legn u gl'oter sto anc neir migliuro. Per chegl trenainsa talas situaziuns.»

Marco Bass, salvamaint Grischnun central

piglier igls blessos or digls dus autos digl accident. Uscheia ins vegia per exaimpel betg piglia or digl auto scu ampresa la persunga la pi grev blessada, chegl tgi vess gia dad esser. Igl pumpiers vessan er gia da lascher giuditgier igls sanitaras da salvamaint l'antiera situaziun e cunzont lascher giuditgier els scu tgi igl decurs digl salvamaint succeda. Els seian gio chels tgi

saptgan giuditger pi tgunsch igl grad dalla blessura tgi igls pumpiers. Ramon Collet ò detg tgi seia nia luvro cun ena tscherta calmezza, nigna hectica ed er pondero. Philippe Poltera ò fatg attent tgi igl access davent dalla veia tgi plaz digl accident era cun en trotg betg igl pi sieir. Ins vess er savia far adiever per exaimpel d'ena stgela cun esser igl territori pulit teis. Gia da piglier davent ins vess er igls pneus starnias, vessan els tgunsch pudia rudlar oragiu dalla sponda ainten la veia cantunala. Sierar sesez e l'antiera gruppada da salvamaint er chegl seia da gronda impurtanza, gist aint igl cass exercito ainten en territori spundeiv. An general seia pero nia luvro serious e cun angaschamaint è nia detg tigl rapport digl exercezi. Philippe Poltera ò menziuno tgi igls exercezi seian cò per amprender, per far experientschas e per far er las correcturas basignevas e necessarias.

Dus fermas pitgas da salvamaint

Las dus organisaziuns da salvamaint tg'on collaboro sonda communabel èn da gronda muntada per Surses e per la regiun. Adegna puspe vignan la gruppada stradala digls pumpiers da Surses cun radond 20 omens e tschintg donnas e la gruppada da salvamaint digl Grischnun central cun 30 ampluias, sanitaras e sanitaras an acziun tar accidents da traffic. Marco Bass el dei tgi mintga de vigna la gruppada da salvamaint digl Grischnun central alarmada e chegl savens er ple tgi angal eneda ande. Tar accidents ainten las muntognas cò vign alloura pitost alarmada la gruppada da salvamaint alpin svizzer staziunada a Beiva, Savognin ed an oters lis digl Grischnun central.

TURISSEM SAVOGNIN BEIVA ALVRA

Amprema radunanza generala publica

Per l'amprema gEDA salva la Turissem Savognin Beiva Alvra SA (TSBA) sia radunanza generala ch'est'eda publica. Chella ò li igls 28 d'otgover aint igl Pinocchio-Club a Savognin

e cozza tenor comunicaziun circa en'oura. Igl organisatours fon attent, tgi mintgign tg'è interesse seia anvido cordialmentg da sa participar alla radunanza generala. (cdm/fmr)

En'annunzta per la radunanza generala è basignevla e pò neir fatga sot www.valsurses.ch/gv. Igl domber è limito e las annunztagas vignan risguardadas tenor data d'annunztaga.

ABITAR AINTEN LA VEGLIADETGNA

Novas propostas èn sen meisa

Ansemen cun la regiun Partenz/Tavo elavoura la regiun Alvra propostas da soluziun per igl svilup digl territori d'abitare. La legnameira è da trer a nez la midada demografica per en svilup persistent digl abitadi. An chest connex duessan neir cattadas veias per promover arrivs dalla

generaziun 55+, per prolungar la durada dalla generaziun 65+ e per pussibilitar alla generaziun 80+ la midada a situaziuns da veta miglier accessiblas. Ampremas proceduras pusseblas èn neidas preschentadas allas autoritads communalas. Tenor Luzi Schutz, igl parsura dalla conferenza dallas

presidentas e digls presidents dalla regiun Alvra e president communal da Barvogn Filisour, è il project directiv. Tgi detta agl, futur spazi d'abitare paiabel corresponda er allas spectativas dallas differentas generaziuns. (cdm/fmr)